

Aen haw neix dwg aen haw hunggvangq ndeu, miz hangz gai noh-ndip, miz hangz gai nohcug, miz hangz gai bya, miz hangz gai gyaeq……Boux daeuj guh gaicawx haenx mbaqswix bungq mbaqvaz, byaidin caij giujdin, saek dwk gyang haw ndaetfwdfwd, sing hung sing iq cauzhuhu ……

Ausam ceiq fanz gij ciengz-mienh neix, hoeng, Simjsam maij gwn gyaeq, ndaw ranz gaenq mbouj miz gyaeq lo, de mbouj ndaej mbouj caenx haeuj gyang vunzlai ndaetfwdfwd haenx bae. Youq gyang vunzlai, Ausam yaek byaij yamq hung ndeu, cungj sinhoj lumj yamq hwnj mbwn bae ityiengh, de cijndei menhmenh nod din, mingzmingz yawjraen hangz gai gyaeq liz swheij mbouj gyaq, de lij byaij le cibgeij faencung cij byaij daengz giz dieg gai gyaq, de youq aen dan gai gyaq daih' it couh ndwn dwk, lai yamq he hix mbouj siengj byaij lo.

“Cawx gyaeq lwi?” Mehmbwk gai gyaq haenx ndatcingz dwk heuh boux byaij gvaq henz dan haenx, de dwg boux cungnienz ndeu, aennaj

sawcuenhdinj



ciengzseiz riunyumnyum, dangqnaj de aemq aen daeh iq cang ngaenz ndeu. “Cawx gyaeq lwi?” “Cawx gyaeq lwi?” Aenbak de mbouj launaiq dwk heuh mbouj dingz.

“Gijneix dwg gyaq buenq, gijneix dwg gyaq bonjdieg, gijneix dwg……” Raen Ausam ndwn youq dangqnaj dan, mehmbwk angqvauvau dwk gaisau gij gyaq de, aen naj riu ndaej lumj duj vamauxdan nei, gyaundeidei youh maezvunz.

“Gyaq buenq gaen geijlai?”

Ausam mbouj caj de gangj sat couh cam.

“Gaen roek maenz.”

“Gou aeu sei q gaen.”

Mehmbwk dinfwngz riengj dwk nengh aen daeh suliu he ndenq hawj Ausam. Ausam senj gyaq seiz, mehmbwk naeuz: “Gyaq gou aen' aen dwg gyaq ndei, senj mbouj senj cungj ityiengh. Gyaq neix gou ngamq buenq ma, gyaq moq, mwngz aeu lai di ha, mienxndaej daeuj cawx lai baez ne.”

“Gou noix gwn gyaq ni, caij

gangj binghsiengh hix cang mbouj ndaej geijlai ni.” Ausam naeuz: “Yawjyawj gaeuq lwi?” Ausam ndenq daeh gyaq senj ndei haenx hawj mehmbwk. Mehmbwk dawz daeh gyaq cuengq roengz gwnz buenz caengh bae caengh: “Va, ngamq sei q gaen cingq, mwngz gujsoq caen cinj bw.”

“Aeu caengh gaeuq hawj gou bw!” Ausam naeuz.

“Eiya, gou ngoenzngoenz youq neix guh gaicawx, danghnaeuz guh gij saeh mbouj miz liengzsim haenx, mboujdan doiq mbouj gvaq beix-nuengx, lijdwg buen rin dub din swheij bw.”

Ausam cengq da hung bae cim dazcaengh, caen dwg sei q gaen dahraix. De ndenq mbaw 50 maenz he hawj mehmbwk, mehmbwk cieq ngaenz, dawz mbaw ngaenz yiengqsoh mbwn bae yawjyawj, liux le mbon daeh ra ngaenzlingz bouj Ausam.

Mehmbwk naeuz: “Mwngz miz sei q maenz cienzlingz hawj gou lwi? Gou bouj dauq mwngz 30 maenz.”

(caengz sat)

## Song Raeuz Ndi Yungh Moiz

### 不要媒人来牵线

□ Lanz Han'gvangh/蓝汉光

(ciep geiz gonq)

**Mbwk:** Ngoenzhaenx byaij gvaq gai, Beix baiz sau ndeu naengh; Mwngz le gyaq dah haenx, Dauq daeuj yaem naj gou.

**Sai:** Ndaekdaengq an gwnzgai, Yietnaiq seizbienh naengh; Saude vunz ndang maengh, Beix mbouj caengz roxnaj.

**Mbwk:** Gwnz hix mbouj roxnaj, Laj hix mbouj rox coh; Danghnaeuz nuengx gangj boq, Beix gaej coq ndawsim.

**Sai:** Hailangh ndei baenz maz, Gaej gangjvah siujheiq; Daj raen mwngz daengz neix, Beix ei q nuengx cibfaen.

**Mbwk:** Gwnzbya faex mwncumh, Miz gogungq gogauez; Mbauq gwnzgai miz yaeh, Nuengx cij siengj aeu mwngz.

**Sai:** Nuengx lumjneix naekcingz, Beix itdingh naiz gyaj; Ndwencieng raeuz baema, Yawj baez naj bohme.

**Mbwk:** Saeknanz ndi raennaj, Nuengx gwj caz daengz mwngz; Haemh roengzban haeuj ninz, Fangzhwnz youh doekloq.

**Sai:** Mbouj gangj nuengx mbouj rox, Haemh gwj loq mauxdan; Langh ndaej nuengx ma ranz, Gwn byaek van baenz noh.



**Mbwk:** Seizcin raemxmoq ma. Ndei langhbya cuengqgyaeq; Ngoenzlaeng miz lwgsaeq, Dajneix caez haenqrengz.

**Sai:** Bohme giva nduen, Guh ranzcuen(cien) sam caengz; Bouxmoq ranzmoq baenz,

Raeuz cix raen mbwngvangq.

**Hab:** Saehndei menhmenh muz, Doxhuz ndei raixcaix; Swyouz vuenyungz lai, Song baih ndi yungh moiz.

(sat)

Doeklaeng miz vunz sij saenq hawj lingjdauj baihgwnz, naeuz Veiz Gozcingh “byaij doulaeng”, cawx baengzbiengzeih. Genhvejvei cien-monz daeuj caz, ciuqsaed yiengq Gih Dangjvej vei bau. Veiz Gozcingh doiq Genhvejvei Siz Dangz dungzci naeuz: “Yienznaeuz ciuq gyaqcienz hawciengz hawj ngaenz, hoeng mbouj dwg bae gwnzhaw cawx aeu hix dwg caen, yienghneix hix mbouj ndei. Lingjdauj ganbu gangj vah guh saeh cungj miz yingjyangj, doiq bonjfaenh aeu iugouz yiemz di ndei.”

Aen ciq de youq Guengjsae naengh haenx, caeuq aen cigizbuj “Gahsw 69” de roengz lajmbanj seiz yungh haenx, 20 bi caengz vuenh gvaq. Doeklaeng de guh Cunghgoz Yinminz Gaijfangginh Cungj Cwng-cibu cujyin, daengz ranghdieg henz-guek Guengjsae cazyawj hongguh, lij

yungh aen ci “Gahsw 69”.

De doiq misuh, gingjvei daengq-naeuz: “Ci dwg goenggya boiq hawj gou naengh guh hong, vunzranz lwgnyez mbouj ndaej seizbienh yungh.” Mbat ndeu, dahlwg youq Sanghaij doeg saw de aenvih bingh le dauqma Namzingz ywbingh, misuh dajsuenq baij ci bae cux, de mbouj doengzeiq, naeuz heuh de gag naengh cisamloek dauqma! Bingzseiz de caeuq yah de Hij Gizcen bae Swcigih

Cwngfuj lijdangz hai hoih, yah de lij gag byaij loh bae, coengzlaiz mbouj naengh ci de bae.

Veiz Gozcingh miz geij boux nuengxsai, itcig youq lajmbanj guh hongnaz. Nuengxsai daihsei de daj budui fuzyenz dauqranz, de doiq nuengx de naeuz: “Guek raeuz dwg aen guek seveicuiyi ndeu, guh ganbu, gunghyinz, nungzminz cungj doxlumj, cijdwg baen hong mbouj doxlumj ndwi. Bouxboux cungj aeu

gwn haeux cij ndaej lix, mbouj miz vunz ndaem naz baenzlawz miz ngaiz gwn! Mwngz youq ranz guh hongnaz hix dwg doiq guek raeuz miz gung-yen.” De mbouj hawj vunzcaen ranzmbanj yungh mingzcoh de bae caeuq cwngfuj aeu ciugog, Geij boux nuengx de gig gagnaek, coengzlaiz mbouj dawz mbaw baiz go' daih ok-daeuj doiq cwngfuj iet fwngz, lauxsaed guh vunzhongnaz.

(caengz sat)

## Veiz Gozcingh Sangcieng Cawj-guenj Guengjsae Ngeihcib Bi

### 韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

De doiq misuh, gingjvei daengq-naeuz: “Ci dwg goenggya boiq hawj gou naengh guh hong, vunzranz lwgnyez mbouj ndaej seizbienh yungh.” Mbat ndeu, dahlwg youq Sanghaij doeg saw de aenvih bingh le dauqma Namzingz ywbingh, misuh dajsuenq baij ci bae cux, de mbouj doengzeiq, naeuz heuh de gag naengh cisamloek dauqma! Bingzseiz de caeuq yah de Hij Gizcen bae Swcigih